

甲二、正宗分 p.11

乙一、般若道 p.11

丙一、正明實相般若 p.11

丁一、就法門明般若 p.11

戊一、顯正 p.11

己一、為三根人三周說般若體 p.11

庚一、佛對舍利弗為上根人略說般若 p.11 (第 1 後半~第 5 品)

庚二、佛命須菩提為中根人廣說般若 p.67 (第 6~第 26 品)

庚三、天主為下根人請說般若 p.245 (第 27~第 30 前半品)

己二、歎般若所生功德 p.271

庚一、明受持乃至正憶念所得功德格量顯勝稱歎勸修 p.272 (第 30 後半~第 38 品)

庚二、依般若心隨喜所得功德格量顯勝稱歎勸修 p.346 (第 39 品)

己三、歎法美人因說般若 p.365

庚一、歎於法 p.365 (第 40~第 44 品)

庚二、美於人 p.422 (第 45 前半品)

戊二、示邪及佛護 p.435

己一、正明留難勸兼明佛力故難不能難 p.435 (第 45 後半~第 47 品)

己二、明佛守護般若故難不能難 p.463 (第 48~第 50 前半品)

丁二、就人門明般若 p.490

戊一、正明三根人信般若體之相 p.490 (第 50 後半~第 60 前半品)

戊二、歎釋三根人依信修行二慧既成方便利物 p.586 (第 60 後半~第 65 品)

丙二、付囑流通實相般若 p.636 (第 66 品)

乙二、方便道 p.645

丙一、正明方便因果大用 p.645

丁一、明方便體用稱歎令行 p.645 (第 67~第 69 品)


丁二、明修方便因行 p.680 (第 70~第 83 品)

丁三、明方便得果 p.857 (第 84~第 87 品)

丙二、結勸修行 p.882 (第 88~第 89 品)


丙三、明付囑流通方便般若 p.911 (第 90 品)

案：科判的頁碼，乃依據釋開仁編《摩訶般若波羅蜜經》(冠科)。




己一、正明留難勸兼明佛力故難不能難

庚一、略舉留難勸速修行得果報



庚二、廣明留難觀而不隨 (46 魔事品)



頁 422-423

一、釋提桓因……舍利弗……

《大智度論》卷 66 〈45 歎信行品〉(大正 25, 522c6-523a9):

釋提桓因是諸天主，利根、智勝、信佛法故，倍復增益；如火得風，愈更熾盛。聞須菩提以種種因緣讚般若波羅蜜，佛以深理成其所讚。

帝釋發希有心，作是念：若善男子、善女人得聞般若經耳者，是人於前世多供養諸佛、作大功德，今世得遇好師、同學等善知識；因先世供養佛、緣今世善知識故，聞般若波羅蜜能信；何況讀、誦、思惟、正憶念、修習禪定、籌量分別義趣、能成辦事者！當知是人從過去諸佛及弟子聞深般若波羅蜜義，信受，不怖、不畏。

何以故？是人於無量阿僧祇劫行六波羅蜜等諸功德，是故雖未得阿鞞跋致地，於深法中不疑、不悔。

譬如新劈乾毳¹，隨風東西；濕毳縹²緻³，則不可動。

新發意菩薩亦如是，不久修德、作福淺薄、隨他人語，不能信受般若波羅蜜；若久修福德、不隨他語，則能信受深般若波羅蜜，不驚、不怖。

帝釋思惟念般若波羅蜜有無量功德時，**舍利弗**知帝釋所念，而白佛言：「世尊！善男子、善女人雖未入菩薩位，能信受深般若波羅蜜，不驚、不怖，如說修行，是人大福德、智慧、信力故，當知如阿鞞跋致無異。」

此中佛自說因緣：般若波羅蜜甚深！無相可取、可信、可受；若能信受，是為希有！如人空中種殖，是為甚難！

一切凡夫得勝法，則捨本事——如得禪定樂、捨五欲樂，乃至依有頂處、捨無所有處功德；不能無所依止而有所捨。如尺蠖⁴尋條，安前足，進後足；盡樹端，更無所依止，還歸本處。

是菩薩未得道，於般若波羅蜜無所依止，而能修福德、捨五欲，是事希有！

是中說因緣：「是人先世信受，久行六波羅蜜，大集諸福德。」

頁 425-426

二、若菩薩摩訶薩行般若波羅蜜時，若不住色中，為習行般若波羅蜜；……乃至不住十八不共法，為習行十八不共法。……是菩薩不得色可住、可習處；乃至十八不共法，不得十八不共法可住、可習處。

復次，憍尸迦！菩薩摩訶薩不習色，若不習色，是名習色。……是菩薩摩訶薩，色

¹ 毳(チメハ)：1.鳥獸的細毛。2.指獸毛皮。(《漢語大詞典》(六)，p.1012)

² 縹(ト一セ)：同「紲」。3.拴，縛。(《漢語大詞典》(九)，p.776)

³ 緻(出ハ)：1.細密，精密。(《漢語大詞典》(九)，p.962)

⁴ 蠖(厂メ乙)：蟲名，尺蠖，北方稱步曲，南方稱造橋蟲，體細長，生長於樹，爬行時一屈一伸，種類很多，為害各種植物。(《漢語大詞典》(八)，p.975)

前際不可得、中際不可得、後際不可得；乃至十八不共法亦如是。

1、《大智度論》卷 66〈歎信行品 45〉（大正 25，524a25-b19）：

「佛答憍尸迦：若菩薩不住色等，是習行般若波羅蜜」者，是菩薩見色無常、苦等過罪，故不住色；若不住色，即是能習行般若波羅蜜。

凡夫人見色著色故，起顛倒煩惱，失是般若波羅蜜道。

以是故，不住者，能習行般若波羅蜜。

五眾、十二入、十八界亦如是。

問曰：何以故不住六波羅蜜等各各自習其行？

答曰：是六波羅蜜等皆是善法行法，以是故說：不住六度等，言「各習其行」；眾、界、人，為「習行般若波羅蜜」。

若於是法中不著，則斷愛著；斷愛著故，色等諸法中清淨習。

此中說不住因緣，所謂不得色等法住處，不得色等法習處。

復次，佛以此事難解，故更說因緣：

「不習色」者，是菩薩見色過，故不住色中；不住故不習。

「習色」名取色相——若常、若無常等。

復次，菩薩常行善法——正語、正業等，積習純厚，故名「習色」。

今菩薩欲行般若故，散壞是色，不習。

所以者何？過去色已滅、未來色未有，故不可習；現在色生時即滅故不住，若住一念尚無習，何況念念滅？是故此中說不習色因緣：「三世色不可得。」

乃至十八不共法亦如是。

若能如是觀諸法散壞，不取相，是名「能習色等諸法實相」。

2、《大般若波羅蜜多經》卷 438〈43 東北方品〉（大正 7，205a5-11）：

憍尸迦！諸菩薩摩訶薩修行般若波羅蜜多時，若於色不住不習，是為住習色；若於受、想、行、識不住不習，是為住習受、想、行、識；若於眼乃至意不住不習，是為住習眼乃至意；若於色乃至法不住不習，是為住習色乃至法；若於眼識乃至意識不住不習，是為住習眼識乃至意識。

案：若依《大般若波羅蜜多經》，「若於五蘊不住不習，是為住習五蘊；若於六根不住不習，是為住習六根；若於六塵不住不習，是為住習六塵；若於六識不住不習，是為住習六識」，但如依《摩訶般若波羅蜜經》則為「不住蘊處界，皆為習行般若波羅蜜」。

頁 426

三、舍利弗白佛言：世尊！是般若波羅蜜甚深……乃至十八不共法無量故，般若波羅蜜無量。

《大智度論》卷 66〈45 歎信行品〉(大正 25, 524b19-c15)：

爾時，舍利弗從佛聞是義，歡喜，深入空智，白佛：「般若波羅蜜甚深！」

佛然可，成其所讚：「色等諸法如故甚深。」

佛語：「不但眼見色甚深，以般若波羅蜜分別色入如實故甚深。」

如雨滂滂，不名甚深；和合眾流，入於大海，乃名甚深。色等亦如是。

天眼、肉眼，見淺而不深；若以慧眼觀，則深不可測。

甚深故難可測量，唯有諸佛乃盡其底。甚深不可測量，故名「無量」。無有智慧能取色等實相——若常、若無常，籌量有過罪故。

是時，舍利弗及諸聽者作是念：「般若波羅蜜不可測量、無有量，菩薩當云何行？」佛知其念，告舍利弗：「菩薩摩訶薩若行色等甚深者，則為失般若波羅蜜；若不行色甚深，是為得般若波羅蜜。」

凡夫鈍根，故言甚深；若有一心、福德、利根者，為非甚深。

譬如水深淺無定，若於小兒則深，長者則淺；乃至大海，於人則深，於羅睺阿修羅王則淺。如是，於凡夫人、新發意、懈怠者為甚深，於久積德阿鞞跋致則淺；諸佛如羅睺阿修羅王，於一切法無有深者，得無礙解脫故。

以是故知：為眾生及時節、利鈍、初久、懈怠精進故，分別說深淺。

不可測量、無有量，亦如是。

此中佛自說因緣：「色等法甚深相為非色。何以故？怖畏、心沒、疑悔故，以色為甚深，色相則無深。」如先說。

頁 428

四、夢行譬

《大智度論》卷 66〈歎信行品 45〉(大正 25, 526a21-b4)：

舍利弗聞佛可其所說，心生歡喜；復欲分明了了是事故說譬喻，作是言：「夢中心為睡所覆故，非真心所作；若善男子、善女人於夢中發意行六波羅蜜乃至坐於道場，當知是人福德輕微，近於受阿耨多羅三藐三菩提記。何況菩薩摩訶薩覺時實心發阿耨多羅三藐三菩提、行六波羅蜜而不近受記！」

「世尊！若人往來六道生死中，或時得聞般若波羅蜜，受持、讀、誦、正憶念，必知是人不久得阿耨多羅三藐三菩提。」

如吞鉤之魚，雖復遊戲池中，當知出在⁵不久；行者亦如是，深信樂般若波羅蜜，不久住於生死。

頁 429

五、險道譬

《大智度論》卷 66〈45 歎信行品〉(大正 25, 525a28-b3)：

「險道」者，即是世間。

⁵ 在+ (外)【宋】【元】【明】。(大正 25, 526d, n.13)

「百由旬」者，是欲界；「二百由旬」者，是色界；「三百由旬」者，是無色界；「四百由旬」者，是聲聞、辟支佛道。

復次，「四百由旬」是欲界，「三百由旬」是色界，「二百由旬」是無色界，「百由旬」是聲聞、辟支佛。

「欲出」者，是信受行般若波羅蜜人。

「先見諸法相」者，見大菩薩捨世間欲樂，深心樂般若波羅蜜。

「壇界」者，分別諸法——是聲聞法，是辟支佛法，是大乘法；如是小利是聲聞，大利是菩薩；魔界是生死，佛界是般若波羅蜜、甘露法味不死之處。

「園林」者，隨佛道禪定、智慧等樂——如是等無量善法相。

「聚落」者，是柔順法忍，「邑」是無生法忍，「城」是阿耨多羅三藐三菩提。

「得安穩」者，菩薩聞是法，思惟籌量行：「我得是法心安穩，當得阿耨多羅三藐三菩提。」

「賊」者，是我等六十二邪見。

「惡蟲」者，是愛、恚等諸煩惱。

「不畏賊」者，人不得便。

「不畏惡蟲」者，非人不得便。

「不畏飢」者，不畏不能得聖人真智慧。

「不畏渴」者，不畏不能得禪定、解脫等法樂味。

此中自說因緣：「菩薩摩訶薩得先相者，不久當得阿耨多羅三藐三菩提。」

「不畏墮惡道中、飢餓死」者，「不畏墮聲聞、辟支佛地」。

頁 433

六、具足修行

《大智度論》卷 67〈歎信行品 45〉（大正 25，528a11-29）：

佛言：「如修般若，具足相亦如是。」所以者何？

若菩薩不見色等諸法增減，如是名「具足」。

是菩薩雖得十地，坐道場，爾時修般若波羅蜜具足；如夢如幻、不增不減，以畢竟空故說。

復次，若菩薩於一切法不分別是法、是非法，悉皆是法；如大海水，百川萬流，皆合一味。爾時修般若波羅蜜具足。

復次，若菩薩入法空中，不見法有三世、善不善等，不見六波羅蜜乃至一切種智。爾時，修般若波羅蜜具足。

何以故？

「諸法無相」是實相；若分別諸法，皆是邪見相。

用十八空故名「諸法空」。

諸法和合因緣生以為有，諸緣離則破壞，故「虛誑」。

一切有為法中無常、無實故，是名「不堅固」。

無受苦樂者、眾生空故「無覺者」，不覺苦樂。

「無壽命者」，「壽」名命根。有人言：是命根有我相，是故壽命為我。眾生空中，已種種因緣破，是故無行法者、無受法者。若觀諸法空——眾生空、法空，如是則具足修般若波羅蜜。

頁 433-434

七、信解者

《大智度論》卷 67〈歎信行品 45〉（大正 25，528b7-14）：
爾時，須菩提於般若中不得依止處，如沒大海，是故白佛：「是深般若不可思議，不可思議亦不可思議故，誰當信解者？」

若但「不可思議」猶不可信，何況「不可思議復不可思議」！

佛答：「若菩薩⁽¹⁾久行六波羅蜜、⁽²⁾久種善根、⁽³⁾久供養親近諸佛、⁽⁴⁾久與善知識相隨——是因緣故，信心牢固，能信受深般若波羅蜜。」

頁 434

八、信解相

《大智度論》卷 67〈歎信行品 45〉（大正 25，528b16-c2）：
佛言：若菩薩摩訶薩了了知般若波羅蜜相，不分別一切法，所謂——「不分別色」——四大、若四大造色。

「不分別色相」者，不分別色是可見、聲是可聞；是色若好若醜、若短若長、若常若無常、若苦若樂等。

「不分別色性」者，不見色常法，所謂地堅性等。

復次，色實性名法性，畢竟空故；是菩薩不分別法性，法性不壞相故。

乃至一切種智亦如是。

問曰：地是堅相，何以言「性」？

答曰：是相積習成性；譬如人瞋，日習不已，則成惡性。

或性、相異——如見烟知火，烟是火相，而非火也。

或相、性不異——如熱是火相，亦是火性。

此中佛說因緣：「色等諸法不可思議。」

「不可思議」即是畢竟空，諸法實相常清淨。

須菩提言：「菩薩雖日月年歲不久，能如是行，是名『久』。」

頁 436

九、以佛力故，魔難不成

《大智度論》卷 67〈歎信行品 45〉（大正 25，529c2-24）：

「留難」者，雖有疾病、飢餓等，但以魔事大故，說言「魔事」。

若魔、若魔民、惡鬼作惡因緣，入人身中，擾亂人身心，破書般若；或令書人疲厭，或令國土事起，或書人不得供養——如是等。

讀誦時，師徒不和合。

大眾中說時，或有人來說法師過罪；或言：「不能如說行，何足聽受？」或言：「雖能持戒，而復鈍根，不解深義，聽其所說，了無所益。」或說：「般若波羅蜜空無所有，滅一切法，無可行處；譬如裸人，自言：『我著天衣。』」如是等留難，令不得說。

「不正憶念」者，魔作好身——若善知識身，或作所敬信沙門形，為說：「般若波羅蜜空無所有，雖有罪福名而無道理。」或說：「般若波羅蜜空，可即取涅槃。」如是等，破修佛道正憶念事。

新發意菩薩聞是事，心大驚怖：「我等生死身，魔是欲界主，威勢甚大，我等云何行般若波羅蜜，得無上道？」

是故佛說：「惡魔雖欲留難，亦不能破壞。」

何以故？大能破小故。如離欲人常勝貪欲者，慈悲人常勝瞋恚者，智人常勝無智者。般若波羅蜜是真智慧，其力甚大；魔事虛誑。是菩薩雖未得具足般若波羅蜜，得其氣分故，魔不能壞。

頁 440

十、後時北方有幾許人求佛道

《大智度論》卷 67〈歎信行品 45〉（大正 25，531c3-532a5）：

舍利弗問：「北方有幾許人聞是深般若波羅蜜，能書、讀、誦乃至如說修行？」

佛答：「是深般若波羅蜜，難知、難行，雖多有人發無上道心得名菩薩，少有人聞是般若波羅蜜心通達、不驚、不沒。」

心通達、不驚、不怖相，佛此中自說——

「**是人多親近諸佛**」：「親近諸佛」者，於無量世常見諸佛，恭敬供養。

「**問難**」者，直問其事，疑心不解，重種種問，名為「難」。是人世世從諸佛問難般若波羅蜜事。

是人功德果報雖未成，當知是人**具足六波羅蜜**、三十七品，乃至十八不共法具足。

是福德淳熟故，**多利益眾生**——所謂**檀波羅蜜、尸羅波羅蜜**因緣故，生於富貴家，自行布施，教人布施。

羶提波羅蜜、禪波羅蜜因緣故，令無量眾生出家、受戒、發阿耨多羅三藐三菩提心。

此中佛說因緣：「是人從我及過去諸佛聞應薩婆若大乘法，是故後生不失是心；是人亦教化他人，說如是事。」如然一燈，展轉皆然。

是人諸煩惱薄，無慳貪、嫉妬、瞋恚故，不相讒謗，常一心和合；是故魔、若魔民不能沮壞。

若人少有錯故，魔得其便；如人有瘡受毒。

魔是欲界主，尚不能沮壞，何況惡行人！

或有人惡行而非惡，如未離欲聖人；以是故說：「惡行人毀些般若波羅蜜，即毀壞菩薩。」

復次，諸善男子、善女人無量世來愛佛法、深著實法，信力、慧力多故，聞深般若波羅蜜、得大慈大悲心故，隨眾生力，令人深般若波羅蜜、若令得般若因緣——所謂布施、持戒等諸善根。

「為阿耨多羅三藐三菩提故」者，是善男子、善女人求無上道故，教他令住諸善根、福德。

頁 442

十一、未來世人勤求六波羅蜜諸經是否皆能得

《大智度論》卷 67〈歎信行品 45〉(大正 25, 532c8-22)：

舍利弗意謂：「同是出家人，俱求般若波羅蜜，何以故有得、有不得者？」

佛答：「若是菩薩常一心求六波羅蜜，不惜身命，是人內有好心、外諸佛菩薩及諸天所護助故。」

舍利弗意：「雖復精進，佛不在世，魔力復大，是菩薩云何得是般若波羅蜜深經？」

是故更問：「得是應六波羅蜜深經？」

佛言：「得。」

此中說得因緣，所謂「善男子、善女人為無上道故，為眾生說法，示、教、利、喜，令住六波羅蜜，開佛道。

是業果報故，轉身易得應六波羅蜜深經；若得，能疾受持，乃至如所說修行，精進不捨，
世世常不離；用六波羅蜜果報故，淨佛世界、成就眾生，乃至無上道。」

若憒惜法，則常生邊地無佛法處。

頁 422

釋提桓因作是念：「①若善男子得聞般若經耳者，是人於前世佛作功德，與善知識相隨；…。②能得聽、受、親近、讀、誦，乃至正憶念、如說修行能問能答，當知是人於前世多供養親近諸佛故。聞是深般若波羅蜜，不驚、不怖、不畏；當知是人亦於無量億劫行六波羅蜜。…」

頁 422-423

舍利弗白佛言：「若善男子聞是深般若，不驚、不怖、不畏，聞已受持、親近、如說習行，當知是人『如阿惟越致菩薩』。是般若甚深！若先世不久行六波羅蜜，終不能信解深般若。…若是人聞說深般若時，無有信樂、心不清淨；是人先世不難不問諸佛及弟子…。」

頁 423

釋提桓因語舍利弗：「是深般若，若有善男子不久行六波羅蜜等——如是人不信解是般若，有何可怪！舍利弗！我禮般若！禮般若，是禮一切智。」

頁 424

佛告釋提桓因言：「如是！憍尸迦！禮般若，是禮一切智。諸佛一切智皆從般若生，一切智即是般若。善男子欲住一切智，當住般若。…」

頁 424

釋提桓因白佛言：「世尊！菩薩欲行般若時，云何名住般若等？…云何習行般若等？」

補充二

頁 425-426

佛語釋提桓因言：「…若菩薩行般若時，**A.**不住色（等）中，為習行般若…。**B.**菩薩不得色（等）可住、可習處；…**C.**不習色（等），是名習色。…色（等）前際、中際、後際不可得…。」

頁 426-427

舍利弗白佛言：「世尊！是般若甚深！…難可測量！…無量！」

補充三

佛言：「色如甚深故，般若甚深；…色難可測量…色無量（亦同）！」

佛告舍利弗：「若菩薩行般若時，不行色甚深，為行般若；…色甚深相為非色；…如是不行，為行般若。…色難可測量…色無量（亦同）！」

頁 427-428

舍利弗白佛言：「世尊！①是般若甚深，甚深相難見、難解、不可思量，不應在新發意菩薩前說。…②是甚深般若當在阿惟越致菩薩前說…。若在新發意菩薩前說是深般若，或當驚怖，皆毀不信…，種三惡道業；是業因緣故，久久難得阿耨多羅三藐三菩提。…③若有菩薩聞是深般若不驚、不怖，當知是菩薩得受阿耨多羅三藐三菩提記不久，不過一佛、兩佛。」

頁 428

佛告舍利弗：「如是！③是菩薩久發意、行六波羅蜜、多供養諸佛，聞是深般若，不驚、不怖、不畏，聞即受持，如般若中所說行。」

頁 428-429

補充四

舍利弗白佛言：「如求菩薩道善男子夢中修行般若等，乃至坐於道場，當知是人近阿耨多羅三藐三菩提；何況菩薩覺時修行般若，乃至如說修行，當知是菩薩久發意、種善根、多供養諸佛、與善知識相隨，當知是人近受阿耨多羅三藐三菩提記，如阿惟越致菩薩，於阿耨多羅三藐三菩提不動轉…。」

頁 431-432

佛告須菩提：「諸菩薩發菩提心，安隱多眾生，令無量眾生得樂，憐愍、饒益諸天人故。是諸菩薩行菩薩道時，以四事攝無量眾生，所謂布施、愛語、利益、同事；亦以十善道成就眾生。自行初禪，亦教他人令行初禪；乃至…菩薩得般若，以方便力教眾生令得須陀洹果，自於內不證；…自行六波羅蜜，亦教諸菩薩令行六波羅蜜。…自轉法輪，亦教他人轉法輪。」

頁 432

須菩提白佛言：「云何諸菩薩摩訶薩具足修行般若波羅蜜？」

補充六

頁 433

佛告須菩提：「**A.**若菩薩行般若時，不見色增相，亦不見減相；…不見是法、是非法，…乃至不見一切種智。如是菩薩具足修行般若。…**B.**諸法無相故，諸法空、欺誑、無堅固，無覺者、無壽命者。」

頁 433

須菩提言：「世尊！世尊所說不可思議！」

頁 433

佛告須菩提：「①〔泯思議〕色不可思議故，所說不可思議；…②〔泯不思議〕知色是不可思議，…是菩薩則不能具足般若波羅蜜。」

頁 434

須菩提白佛言：「世尊！是深般若，誰當信解者？」

補充八

頁 434

佛言：「若有菩薩久行六波羅蜜、種善根、多親近供養諸佛、與善知識相隨，是菩薩能信解深般若。…若菩薩不分別色、不分別色相、不分別色性，…色不可思議，…，乃至一切種智不可思議。」

頁 435

須菩提白佛言：「世尊！色甚深故，般若甚深；…色清淨故，般若清淨聚；…乃至一切種智清淨故，般若清淨聚。」

頁 435

須菩提言：「世尊！甚可怪！說是般若波羅蜜時，多有留難！」

頁 435-436

佛言：「如是！是甚深般若，多有留難。以是事故，善男子若欲書是般若時，應當疾書；若讀、誦、思惟、說、正憶念、修行時，亦應疾修行。…不欲令諸難起故。…是珍寶中多有難起故。」

頁 436

須菩提言：「世尊！是甚深般若中惡魔熹作留難故，不得令書，不得令讀、誦、思惟、說、正憶念、修行。」

補充九

頁 436

佛告須菩提：「惡魔雖欲留難是深般若令不得書、讀、誦、思惟、說、正憶念、修行，亦不能破壞是菩薩書般若乃至修行。」

頁 436

舍利弗白佛言：「世尊！誰力故，令惡魔不能留難菩薩書深般若乃至修行？」

頁 436-438；頁 438-439

佛言：「是佛力故，…十方國土中現在無量諸佛，擁護念是菩薩書深般若乃至修行；法應爾，亦無能作留難！…諸佛皆識、皆以佛眼見是人。…是人以是供養功德因緣故，終不墮惡道中，乃至阿惟越致地，終不遠離諸佛。…是人善根因緣故，乃至阿耨多羅三藐三菩提，終不遠離六波羅蜜…

是深般若，佛般涅槃後，①當至南方國土，…從南方當轉至②西方所在處，…從西方當轉至③北方所在處，…是時北方當作佛事。我法盛時，無滅相。我已念是人受是深般若乃至修行。是人以是善根因緣故，終不墮惡道中，受天上、人中樂；增益六波羅蜜，供養諸佛，漸以聲聞、辟支佛、佛乘而得涅槃。我以佛眼見是人，十方國土中諸佛亦以佛眼見是人，亦稱譽、讚歎。」

頁 440

舍利弗白佛言：「世尊！是深般若後時當在北方廣行耶？」

頁 440

佛言：「如是！是深般若後時在北方當廣行。後時於北方，是人若聞若書…如說修行，當知是人久發大乘心、多供養諸佛、種善根、久與善知識相隨。」

頁 440

舍利弗白佛言：「世尊！後時北方當有幾所善男子、善女人求佛道，書深般若乃至如說修行？」

補充十

頁 440-441；頁 441-442

佛告舍利弗：「後時北方雖多有求佛道善男子，少有聞是深般若不沒、不驚、不怖、不畏。①是人多親近供養諸佛，②多諮問諸佛，是人必能具足般若…③是人善根純熟故，能多利益眾生，為阿耨多羅三藐三菩提。④我今為是人說應薩婆若法，過去諸佛亦為是人說應薩婆若法。以是因緣故，是人後生時續得菩提心，亦為他人說菩提法。⑤是人皆一心和合，魔、若魔民不能沮壞菩提心，何況惡行人毀咎行深般若者能壞其菩提心！⑥是求菩薩道諸善男子，聞是深般若，得大法喜法樂，亦立多人於善根，為阿耨多羅三藐三菩提。」

是人於我前①立誓願：『我行菩薩道時，當度無數眾生，令發菩提心，示教利喜，乃至阿惟越致地受記。』我知其心，我亦隨喜。是諸善男子所為心大，②所受色乃至法亦大，亦能大施；③能大施已，種大善根；④種大善根已，得大果報。⑤為攝眾生故受身，能於眾生中捨內外所有物。⑥以是善根因緣，發願欲生他方國土現在諸佛說深般若處；於諸佛前聞是深般若已，亦於彼眾生令發菩提心。」

頁 442

舍利弗白佛言：「希有！世尊！佛於過去、未來、現在法無法不知，無法如相不知，眾生之行無事不知。…未來世有善男子勤求六波羅蜜，受持、讀、誦乃至修行，有得、有不得？」

補充十一

頁 442

佛告舍利弗：「若善男子一心精進勤求，當得應六波羅蜜諸經。善男子為阿耨多羅三藐三菩提故，與眾生說法，令住六波羅蜜。以是因緣故，是人後身轉生易得應六波羅蜜深經；得已，如六波羅蜜所說修行，精勤不息，乃至淨佛國土、成就眾生，得菩提。」